

rituka kaniarumi mataa tamcuru

1 'esi na uacani mapunarū tantanau, 'una 'inia karananana marūkurapū.  
2 sikara in, 'una uacani tamcuru. ma'icupū cucumeni marūkurapū 'inia. vanai  
3 sii paira nguain matisa'ū ti'ingai marūkurapū kumūnū. miaranau cu tamcuru  
4 pacupūngū tia kumakūnū 'aramū kaniarumi. ma'incu sua kaniarumi, sii 'una  
5 nguain makūkuang kava. noo aracapiciin tamcuru ia, aratapūku sua  
6 kaniarumi tamna tina'an, makai cu mari. 'inmamia cu makūkuang kava na  
7 pipiningi. 'esi 'inia sua tamcuru, ka'anū tavarū'ū tia pakūnnanu.

8 na tantanau isua. sua kaniarumi mataa rituka ia katangria nguani. 'akia  
9 rituka makai kaniarumi tamna makūkuang kava. imua 'inmamia cu kipatusū  
10 arapana'ū, manguru ka'icupūn tamcuru. 'una uacani taniara, parū'una  
11 kaniarumi mataa rituka. murū'ū'ū rituka makasi, cucuruana kaniarumi  
12 mamanūng! 'una makūkuang kava. ka'anū cu tamcuru tavarū'ū tia kasu  
13 pakūnnanu kumūnū. ka'anū makai iku, 'inmamia tia kipatusū manguru,  
14 ma'icupū ia tisa'ūn tamcuru.

15 tumatimana kaniarumi kari isi. masicucuru tumatuturu rituka makasi,  
16 noo aratakupū ku tina'an ia, vanai sii maraa ciuman ku, imua sua vucukū  
17 maku ia, ka'anū tūni takuciu muvūngū. noo kumakirikiri 'inia ia, tia

18 masarapū putuvūrukū cu. makasi pa! sua isi ia iku tamna sakiri, 'akune'i  
19 tumatuturu cau cucumeni! marivari rituka makasi, tangria kita tassa,  
20 matarava mamacai tia ku manaturū muvūngū sakiri isi.

21 koo miaranau, tisa'ū tamcuru sua rituka. natia cu kūnūn sua rituka.  
22 pacupūngūn rituka sua kaniarumi tamna sakiri, pakariūn kee tamcuru: "noo  
23 mapucanū kasu 'ikua ia, tia ku tumatuturu kasua, tia pakūnnanu kamūnū sua  
24 kaniarumi". pacupūngū taamcuru, tanamūn tumatimana makananu kari  
25 rituka. takutavarū'ū cu nguain 'unava kaniarumi makasia sakiri. mara'an  
26 kūnūn cu kee sua campe masisakiri rituka. koo miaranau, matūnūsu cu  
27 tamcuru mataa kaniarumi. makacang kaniarumi aratakupū tina'an. nakai  
28 nguain tamna mavuca'ū vucukū, ka'anū rangrang parapiciūn tamcuru.  
29 nikūnū kee kavangvang kaniarumi tamna 'aramū. kisaa nguani tassa,  
30 mastaan manūng tangria. vanai sii 'una tacini koo panaturū sakiri, makasu  
31 niara'akia cu kavangvang nguani tamna ngisaa.

32

33

(文章大意 僅供參考) ※字數限 200 字

### 兔子、穿山甲與狐狸

1	森林有好多動物。有隻狐狸，動物都很懼怕牠，因為牠常常捕捉小	15
2	動物來填飽肚子。狐狸渴望吃穿山甲的肉，但無計可施。穿山甲和兔子	16
3	是好朋友，穿山甲告訴兔子，當我全身蜷起，只要搔我癢，我就會打開，	17
4	你要保守秘密，千萬不能說出去！兔子表示，我們是好朋友，就是死也	18
5	要為你保守秘密。沒多久兔子被狐狸抓住，要被吃掉前，說出穿山甲的	19
6	秘密，狐狸就把兔子吞到肚子，後來，狐狸也把穿山甲吃掉。兩位最要	20
7	好的朋友，雙雙失去性命。	21
8		22
9		
10		
11		
12		
13		
14		